

四庫全書

集部

欽定四庫全書

集部

佩韋齋集

目錄
卷一至三

詳校官庶吉士臣李如筠

主事臣呂雲棟覆勘

覆校官中書臣田尹衡

校對官中書臣王鍾泰

謄錄舉人臣劉禮

欽定四庫全書

集部四

佩韋齋文集

別集類三 宋

提要

臣等謹按佩韋齋文集十六卷宋俞德鄰撰德鄰有佩韋齋輯聞已著錄是集原本二十卷凡詩七卷雜文九卷末即輯聞四卷然考集首有皇慶壬子熊禾序稱其平生詩文多不留藁其子庸衷集僅得詩文五百二十二首

釐為一十六卷則集與輯聞本各為卷帙此本為後人所附綴今仍分著于錄從其初也
末序又稱紫陽方侯亦以文名嘗序公集載其遺事如作傳然且以能保晚節而心服之云云紫陽方侯即歛人方回宋末為睦州守以州降元元擢為總管者也此本佚去此序殆後人以德鄰高節不減陶潛不欲以回序污之故黜而刊削歟德鄰詩恬澹夷猶自然深

遠在宋末諸人之中特為高雅文亦簡潔有
清氣體格皆在方回桐江集上蓋文章一道
關乎學術性情詩品文品之高下往往多隨
其人品此其一徵矣乾隆四十一年五月恭
校上

總纂官

臣紀昀臣陸錫熊臣孫士毅

總校官

臣陸費墀

欽定四庫全書

集部四

佩韋齋集目錄

別集類三

宋

卷一

古詩四十七首

卷二

古詩三十三首

卷三

古詩五十一首

卷四

律詩六十九首

卷五

律詩五十六首

卷六

律詩五十五首

卷七

絕句七十一首

卷八

賦二首

雜著十二首

卷九

記八首

卷十

序十一首

卷十一

序十首

卷十二

序四首

說五首

祭文三首

卷十三

表牋二十二首

狀二首

卷十四

啟十八首

卷十五

啟十三首

卷十六

劄子二十二首

疏膀十首

卷十七

輯聞一

卷十八

輯聞二

卷十九

輯聞三

卷二十

輯聞四

佩韋齋輯聞序

余童丱讀書粗能強記一二至聞先生長者緒言餘論
雖曠日累月猶在負劍辟咤時也今老矣神志衰耗前
後遺忘間者追念舊聞十亡八九因竊自慨炎暑重赫
友朋絕不往來藜牀北牖呻吟嚙呻吟兒輩濡筆錄之得
數千言雖卑汙庸俗可厭可鄙然疑信信實區蓋之
談殆與玉卮亡當者異也先儒有筆記有漫錄有燕語
為書不一皆義出六經事兼百氏究帝王之則啓聖賢

之蘊余之繆學雖舉臚傳風聽何能進于是不過從兒輩咕囁而已雖然詎不勝于飽食終日無所用心而從事于博奕者乎序而藏之因命曰佩韋齋輯聞嗣有所得又將續書俞德鄰原序

佩韋齋集原序

文者道之用也天地間惟道可以立國惟文可以經世
儒者一身三綱五常之道所寄也而可以徒文哉唐宋
以來文章大家數不為少矣其立言之卓然不可泯者
惟韓柳歐蘇最著柳固不敢望韓蘇之於歐亦未易同
日語過江少失真粹矣同甫正則一時擅名江左取節
焉可也南北混一以文鳴世不過數家其間卓然能不
悖名教有補倫紀者亦無幾焉余於佩韋先生俞公文

詩未嘗不三復擊節使人流涕太息不自己也公平生
文多不留彙令子庸裒集僅得文詩五百二十一首釐
為一十六卷不遠貽書且述公遺命曰吾詩文散落朋
友間多矣或蒐輯成帙必求山林隱逸之士為之序引
謹謝不敢當既不獲命則作而言曰宋三百年以儒道
治世以科舉文章取士逮其亡也錄死節之臣二十有
三而文臣舉三之二大抵繇科舉其選而其表表者讀
四書通經博史多自洛建門庭中來風聲氣習漸涵演

迺百餘年間詩人文士情性之所發禮義之所止一言
一詠猶足起人悠然深長思蓋豐芑菁莪之澤遠矣嗚
呼文章何負於人國哉道理豈空虛無用之物哉讀公
之文考公之行益以信嗚呼士大夫立身宇宙間時有
險易位有大小而其抗志厲行亦有行止久速之不同
尹當任夷當清箕當囚微當去孔明非骯髒元亮非沈
冥要亦自靖自獻各行其素而已達居事任固有迫於
命義不容已者公舉癸酉進士科猶在下位特以文學

負世重望為當路羅致方其却質軍中爵祿在前刀鎧
在後公獨不撓不懾從容懇款以全其身一難也身愈
退望愈高諸公貴人交刺無虛歲公於此時卑則易流
高則易抗廼獨處之有道得以優游餘年終遂其志二
難也飲酒諸篇酷似陶遣懷等作大類子美則其時實
使之然公之詩閒雅沖澹中發揚蹈厲之意存焉其文
則論辨閎深敘述詳核忠厚懇惻之情藹如也近律駢
儷亦皆典則精緻原其所尚體要則綜涉綱常造次理

道又不可與尋常詩人文士例論矣宇宙神交志同千里若共肝鬲道同千載若合符契况世之未久乎余亦癸酉進士蓋親歷而知之者也公之學以六經語孟為本雖史傳百氏之書靡不該洽而必以此道為之指歸論古今事得失人物臧否皆有所折衷輯聞四卷學自格物致知者誠不可不於此有考也紫陽方侯亦以文名與公交游最久嘗序公集載其遺事如作傳然且以能保晚節而心服之公之為人其所謂表裏一致終始

一節者與語曰有德者必有言又曰歲寒然後知松栢
之後凋也先生具有之皇慶元年壬子四月既望建安
熊禾序

欽定四庫全書

佩韋齋集卷一

宋 俞德鄰 撰

古詩

古意五首

迢迢長安道古堠雙復隻游子辭家去去去何所適素
商昔轉玄朱羲今由白悠悠世路難江湖虎豹宅楊朱
泣途窮魯叟悲麟獲願言弛負擔歸與慰岑寂

疊疊天上雲滔滔海中波時哉不與我况復未息戈浮

金
卷一
氛冒曾嶺君去將如何君吟行路難妾思處處歌積憂
儻心悔采薇南山阿

悠悠君何之
氎氎妾影隻蕭蕭兩鬢絲
寒衣不堪織縱使堪織
衣練能成幾尺西窓暗雨鳴孤燈耿復滅君心如妾
心妾心匪木石

皎皎天上月輝光燭蓬門蓬門亦何有古鏡堂上懸妾
心如古鏡磨盡明不昏君心鏡上塵磨去不復存
猗嗟賤妾心與君難具論

憶妾初嫁時感君塗旣茨嫁君未三載君行河北陞長
庚耿天際飯粟羹伏雌君云去不遠五月當來歸聞君
往從軍裘馬事輕肥蓬蒿沒深巷風露淒妾衣夫君豈
不念將由道路遙道路或孔通妾憂寧不知

吳郡齋遣懷

齋居苦無悰散屨步芳圃花柳度暖風莓苔滋宿雨疊
嶂隱簷牙幽禽哢林莽池光盈蔽虧日氣石吞吐迴眺
覲層城狂歌隘天宇條歡景已泯俄思愁復聚楚奏鐘

儀悲越吟莊舄苦人情異窮達上思渺今古信美非吾
鄉歸心屬蘭杜

龔聖宇號翠岩晚歲更號岩翁為賦

春風桃李顏歲寒松栢心達人步大方靜愛無絃琴無
絃豈堪聽絃外多遺音世涂甚風水對面商與參孤芳
忌羣處散材辭衆侵霜降水歸源日旭星就陰浮華剝
落盡古道誰復今吾家鴈山下翠巘高千岑清秋灝氣
塞萬里纖埃沈安得與君去結架吟清吟

閒居遣懷三首

莓牆蔭薜蘿中有一畝宅花竹分四時野鳥鳴格磔浩
歌引清觴微風岸低幘百骸任舒伸一笑天地窄剥啄
誰叩門門外有佳客

坐中有佳客尊中有美酒酒美客更佳一醉亡何有醉
餘送客去新月挂疎柳明日欲重來已戒應門走

客至固自佳客去亦不惡起舞弄清影明月勸孤酌一
杯復一杯輕颺動修薄擾擾百年間誰能得此樂酒醒

日射窓推窓見梅落

聞角

角聲嗚咽梅花老
遠客夜長風草草
起傾凍酒澆愁曾
愁思轉多杯恨小
人生石火斯須期
月轉樓西角又吹
咍臺一枕華胥夢
明日看山笏拄頤

遣興十首呈孟兵部使君

來日悲苦短
頽齡恨將侵
西山產靈藥
暇日聊與尋
蒼蔚巉巖兔
狐走高岑
洪厓去不返
羨門杳無音
竚立

長太息誰哉知我心

雉鳴朝求雌木壞疾無枝仁心秉君子小弁怨何磯在
昔共世子待烹慰驪姬亦有魯閔氏朔風衣單衣二賢
豈不怨仁義固良知憂憂彼投兔跂跂奔鹿斯道死尚
或瑾况乃天性為

承交食弗愛獸畜愛弗敬烈士死一言利祿安足競陞
戟覲伏波井蛙敗人興不見古公子親御侯生乘

雞鳴食孟門指鹿相秦室所以有志士林樊屏轍跡得

時貴行道枉尋豈尺直無為趙孟間笑此陳蔡厄

脩脩瓊田鶴高步何頎頎霜毛映寒月丹頂含晴暉胡
不乘軒車俛啄前谿為谿水清且淪白石亦粼粼雖無
魚蝦味且免雞鶩嗔

趙子有古心眠世澹如寄青編對朝夕黃花當姬侍海
上逐臭人紛紛笑厓異焉知四五間政在薛公輩

俗子塵滿襟門外紛偪塞顏龔詩中英高卧翠岩側風
雲入古硯鳥鳥窺凍壁似聞中饋虛桑麻欠機織母氏

聖且善門閭望朝夕擇婦要得人在德不在色

知金我石友宵次如阮嵇灌園西郊外竹徑風煙迷我
宅今易至政擬尋幽棲卜鄰儻有分當在西枝西

我昔愛君直蚤慧機雲比一別復幾時使我費懷企夢
中往相尋宛在水中沚水中多鳬鷖水邊鳴鳩飛天雨
逐婦去天晴呼婦歸鳬鷖政自樂鳩婦吁可悲

逢蒙學羿射殺羿射始神羿兮信有罪蒙哉真忍人世
涂昏若漆對面越與秦眼中今歷歷欲語愁余嗔

石門洞

衙衙雙石撐青空
澗鳴瀑吼驚魚龍
維舟支筇步山徑
山黑鬼笑猿啼風
雲巢雪屋數羽士
玉函寶笈縑晨鐘
天寒木落山露骨
日月隱隱行空濛
九衢黃埃沒馬腹
一家歌笑百家哭
雖然是山猛虎多
猶勝人間賦蛇毒

靈鳥

靈鳥太多知庭樹
久棲寄主人閔鳥
靈遺食寓仁意鳥
亦感主恩啞啞動
鳴喙心知主厭聞
冀主早自計大忠

易為幾至靈乃凶類折翅會有期卷舌良自愧終當為主鳴誰與喂羹哉

贈成雷師

妖氛塞乾坤乘罅毒黥首膏肓不可鍼靈文洩樞斗雷
師爛柯僊造化默授受捕蛟笞鬼神宛似彌明叟雷霆
指顧間雲雨翻覆手攜詩走江湖萬里屈伸肘平生劉
伯龍貽笑今已久誰能煩律令三揖費蕉柳嗟嗟世涂
艱魑魅白晝吼藍色雜曼膚睽眬眩妍醜我欲掃除之

荒郊乏荆帚何當襲師術轟霆震枯朽坐使四海清物
物躋仁壽

壽沿江黃制置七首咸淳壬申作閱故書偶見
之追感昔日賓閣陪從之舊不忍刪去凄然
恨名節之難保而歎時偶之難遇也

商岩賚良弼周嶽生甫申一賢闕世運六合歸吾仁英
英丹霞翁異代獨儼倫騎驎下帝所仗鉞清塞塵塞塵
行且清器農不器兵廊廟端紱冕永永扶休明

層城護六朝長江渺萬里紫蓋照東南屏蔽獨此恃連
營步騎屯列遂蜀糧峙鎮撫茲匪輕倚毗良有以願言
策殊勲千歲光竹史

軍中用范老幕下羅歐陽玉人不受繫白駒猶在場乃
知古君子致泰由包荒山深草木萃海闊珍怪藏周公
昔吐哺鳴鳳紛高岡

越流飲醇酎街亭正軍律勸懲妙微機今古軌轍一韓
昭戒夢言苟攸貴深密此事難語人端居幸時繹

父母斯民寄斯心斯民心仁哉彼君子天地融一襟得
情貴勿喜顧畏如弗任神明次公政所至留棠陰寧使
民覲德茲言良足欽

五龍閱古今顏貌儼童孺亦有赤松子駕鴻凌紫霧靜
心遺紛華定力養冲素因知龜鶴年非以服食護公身
天地身出處繫王度願言保千齡持用答三顧

走也晚聞道曳裾登師門師門級數仞冠珮何閭閻拂
拭長光價吹噓憐苦辛永言一飯報睠然清渭濱燕飛

認巢穩馬瘦思草春何當入釣播塊北知無垠

題劉同知所藏春山訪隱圖

環洲玲瓏徑深窈窕巖翠壁摩蒼顥幽人結屋倚陰厓
雲木烟蘿互縈繞維舟散屨欲往從山深樹密無行蹤
徘徊谿橋自嘆息安得山下如雲龍古云大隱隱朝市
朝市亦有居巢子胡然見面不見心咫尺涓涓隔春水

贈雷岩趙相士

雷填填雨冥冥千巖萬壑白晝暝真人宴坐神不驚一

瞬百怪無留形風休電止天寓淨頂笠執包談性命龍
鉛虎汞世莫知更說榮枯動人聽壺子久不作季咸亦
已矣杜德衡氣無二機靡靡波沅寧底止矧伊浮世上
旋轉如飛蓬死生夢蝶成蝶夢禍福得馬失馬翁羊裘
垂釣或諫議不龜手藥忽取封相形相不盡相心心莫
窮雷巖雷巖不如歸卧岩之下吾亦柴桑稅吾駕明月
投人戒暗投美玉匱藏須待價

題補蹠翁圖

聖月無盈虧劫燼有新故嗟嗟補蹠翁乃復不早悟為
王雖云樂萬幾實心蠹世尊愍衆生引手弘六度以我
智慧燈照彼入正路令人淤泥中識此清淨土我本有
髮僧靜叅無二句拊圖對青山了然見心素從茲謝筆
墨白雲共朝暮剥啄誰扣門法喜慎勿語

為馬受益題韓滉畫子母牛圖

老犍耕餘飽枯蘗呼犢引犢緣敲厓犢兒母懷不父懷
母子傳皆形離依牧童生來識牛意倦拋臺笠曲肱睡

爾牛不寢亦不訛我亦無夢遊南柯歸來短衣不掩骭
卻笑漫漫歌夜半

甲戌遊盱江六月二十一日發武林

威弧慘無光城烏啄大屋淮雲蒼莽間千載幾荼毒憂
心甫殷殷又復正陽築正陽亦何許地接英與六傳聞
夜點兵文書下機速揮汗起負戈部伍競馳逐平明驅
出城令嚴秋氣肅豈不實苦辛主憂固臣辱前年戌襄
樊去年戌郢復白骨秋野橫青燐陰房煜生還偶然爾

忍怨征行促所悲世路艱無罪罹殺戮潢池弄盜兵綠
林仇餉肉茫茫畿甸間風塵浼人目聖明撫遐荒先事
清輦轂干戈動邦內豈計顛與蹙扶顛要得人撥亂如
轉燭秋山翡翠青秋水蒲桃綠去去取封侯勿羨牧羊
僕

甲戌秋過了頭岩有感

昔年北兵澣黃渡官軍一萬了巖駐岩前十里無人煙
焉知今日重生聚老翁殷勤指長孫生時開慶方改元

今年裏頭明年娶感荷太平天子恩傳聞鼎湖龍又逝
空餘弓劍留人世天上唯多三數公社稷蒼生誰早計
老翁憂時色枯槁羸卧岩前分犢草京師來往千萬人
欲問明時知者少嗣皇繼聖生神靈西陲何事猶徵兵
襄樊未復郢又急正陽新築淮又平吾儕紅額今有幾
青袍白馬紛紛是岩前鬼燐陰雨青老翁說着心膽驚
願君努力扶休明翁也菁羹橡飯安餘生

甲戌六月十四日月食過半七月十四日抵廣

信月岩有感而作

昔聞月巖巖上月無今無古無圓缺天無二日月有二
此豈鬼剔神剜出我從前月客帝京月明忽苦蝦蟇精
爾時見天會事發誓取妖蟄膏寸鐵不知岩月當此時
上睹月食悲不悲我行過此三歎息此月不食彼月食
再拜山靈問川后妖蟄到底受磔否

仙人巖即事

夕陽隔溪明薜蘿數峯谿畔青嵯峩層層彷彿相盪摩

谿流洶湧通銀河金支翠旗颭山阿風傳霧樂鏘鑾龢
雲封巖竇生靈禾仙靈脫久留僊槎奕枰丹竈斲月柯
窪尊土缶石臼磨苔剡蘚刻千歲過護以鬼物煩撓訶
谿南谿北夔罔多鰾鱣鮪魴蛟黿鼉雷聲吼噓凍雨霑
仙筇九節扶下坡紅妝半醉誰嬌娥容顏二八細馬馱
下馬避雨吳歛歌蘭麝馥郁飄綺羅靈簫學道蠲煩痼
湘浦解佩聲嗟嗟雙成飲罷鳴雲龢藍橋一醉朱顏醺
扶桑暘谷同碧渦玄書寶文傳豈謫浮生百歲如飛梭

當歡不歡柰老何

為孟希聖題亭落鵲鵲畫扇

下車式怒蛙為愛蛙有氣秋風化為鵲
迺復有鬪志叢叢槲葉邊攬身睨而視
雖非紀消雞宛類浮圖鷲因知氣苟存
百變終不惴斯人倘若斯似可敵王愾
云胡萬夫待甘受巾幘遺鵲兮爾固微
或者寧不愧

吳江夜泊

扁舟渺何之
洶洶吳江水
走馬見新堤
垂虹失舊址
戰

艘列旌旗隨風紛旖旎須臾暝色至悲笳數聲起椎髻
黃鬚兒臂槍挾弧矢篙夫趣登舟掩蓬不敢視但聞深
夜中刁斗鳴不已及明問前途山長川瀾瀾我生苦漂
零十載行萬里焉知及茲晨憂傷淚如洗

過釣臺

行色苦迢遞人煙渺淒涼泊舟值嚴瀨濯纓感滄浪赤
符識龍鬪白水瞻鳳翔淳風協玄德落星隱寒芒桑溟
忽變易草木猶芬芳嗟予遘屯蹇垂老悲興亡溪湍兀

小艇嵐氣昏戰場安得釣臺釣尚友狂奴狂

蘭溪叟

戎戎溪市暗翳翳山雲昏驚雷越凍雨頃刻如翻盆潦
漲蛟蜃作厓裂魑魅奔遊子亦慄慄舍權投孤村及明
浮霽色步入蘭江門烈風煽劫火百室一二存忽逢病
羸叟呻吟行路難問之苦何疾滿體催租瘢千村盡荆
杞何以輸王官嗟我擇術闇半生誤儒冠濟世雖有志
老去徒悲酸對此重惻怛凜凜毛生寒

龍門嶺

沮洳棧道濕慘澹旌竿暮經行此山中髣髴龍門句借
問山何名亦以龍門故祝融鞭火虯正晝紛馳騫乾坤
一洪鑪何適非窘步况茲履嵌岑豺狼隘前路及暮雲
氣陰霈然灑甘靈迺知天地仁不待蒼生訴

麗陽祠

峭壁出蒙籠澄溪深潏潏碧瓦映朱扉雕甍燦金榜坐
現紛後先苾芬盛肸蠭云此麗陽祠桂籍夙所掌當時

逢掖士祈禱何穰穰歟然夢寐通其應掇影響我學非
時須青紫絕妄想及茲值艱虞乾坤倦搖蕩山行愁虎
狼川游畏夔罔故鄉隔三秋煙塵極塊莽神兮罔時怨
訶護迄來往中夜若有聞縹渺隘雲仗及明泛逆溪祥
飈送雙槳

前哀哉行

妾家淞水東一門十朱輪男多止一女鍾愛歸妾身七
歲誦經史十歲學補綴十五事機杼二十供藻蘋不思

嫁張掖愛我歸寧頻去年邊事起處處驚為憐盡室遯
空谷雷雨彌半旬狐兔伴我食虎狼為我隣羣盜政猖
獷白晝昏埃塵驚憂轉成疾抱痛不敢伸傳聞官軍至
草木生歡欣豈料反縱恭舞戈獵生人倉皇不得避驅
斥行海濱避寇寇幸免依人人不仁哀哉有如此妄生
何不辰

後哀哉行

前年強寇至倉忙避空谷我里數百家及歸半魚肉去

年南軍來詎意行殺戮縱暴與寇等十家九家哭今年
迎北軍膜拜卷兩足死者歸途泥存者依草木驚魂苦
未定乃復遭驅逐淒淒廛市間寒月照逃屋乾坤等覆
持聖明均煦育而我天降凶伊誰怨荼毒哀哉勿重陳
回首訴力牧

佩韋齋集卷一

欽定四庫全書

佩韋齋集卷二

宋 俞德鄰 撰

古詩

秋夜雜興三首

客舍坐不寐隱隱聞秋砧
清露月中下涼颼開我襟
明河斜欲落斗柄橫嶽峯
寒蛩亦何事徹夜長悲吟
起坐萬感集松泉響天琴
海濶濶有涯山高高有岑
客懷浩無極及此秋夜深

涼風起秋夜露冷梧葉飛棘林照熠燿促織無停機窻
前有孤鵬鳴哺聲諛諛援琴鼓清商哀怨凝金徽伯牙
久不作至音知者稀徒令世俗耳增此兒女悲棄置復
棄置明月斜侵帷

明月何皎皎疏光入城闌永懷遼鶴去及歸無故人故
人亦何許往事不忍陳龍逝鼎河寂麟傷周道湮桑溟
變俄頃干戈徧穹垠眼中萬年少談笑乘朱輪王侯與
卿士零落隨埃塵興亡固有數貴賤亦有因孤裘冬則

御桃笙夏乃珍萬事每如此毋為徒苦辛

常州天慶觀畫龍二世傳仙筆一點晴乘雷電
飛去一經兵火亦不復存

毘陵天慶宮中壁天趨雙龍勢千尺鬚圓尾壯角浪平
目深鼻豁鱗纖密一龍點睛已飛去電掣金蛇雷破柱
一龍舊壁尚蜿蜒朝昏恍惚騰雲霧黑風動地劫火燔
鬼神糜爛龍崩奔蒼生百萬化魚肉盆池厭沸骸陵屯
靈物去留應有數憂銅吹竹誰韶護會歸卷畫吸清谿

一雨八荒均布濩

獨孤檜

烈帝祠中獨孤檜鬱鬱亭亭一車蓋根盤九地蟄蛟螭
幹聳層霄浮靈霽朔風顛颺塵晝昏炎炎譌火連空燭
一蛇騰驤赤帝子將軍舌鏘空驚灰天愁地泣鬼神怒
元緒老桑哀莫訴斧斤侵尋歲月枯寂寞半心承雨露

春怨

垂楊帶雨煙沈沈綺窓翠幕清晝陰琵琶撥盡誰知音

一聲望帝春事深

鵲鵲詞

鵲鵲鵲鵲爾拙無伍朝飛何從來暮宿何處所飲啄不
自營日日呱呱叫春雨沙場鬼哭天沈陰澤國夔魑夜
相語一聲兩聲雲冥冥三聲四聲水建瓴十聲百聲大
雨車軸下千聲萬聲江翻海漲鰲宮傾羲和推車不敢
出蛟人畏濕綃機停淤泥三尺百賈卧十家一二炊煙
青鵲鵲鵲鵲喚雨又不已教爾閉嘴不閉嘴再拜拜天

公箋詞小心風雨師屏翳雲師走豐隆鵙鵙爾何物盜
天之柄哀頑凶天晴呼婦雨逐婦寄巢生子隨西東願
天敕后羿挾矢操強弓射逐九州外勿使孽尾添雌雄
天闕九重暗氛霧鵙鵙飛來復飛去黔黎鱗鱗生魚頭
鵙鵙猶自鳴不休重為告曰鵙鵙鵙爾形甚眇爾聲
孔悲爾鳴不止爾心何為憶昔黃帝作鳳凰巢阿閣此
時無爾鳴五風十雨天下樂又聞有虞氏韶成鳳凰至
此時無爾鳴風雨弗迷天下治爾今雖彊顏不如闔口

歸深山山深樹密百鳥閒落花流水聲潺潺秋分春分
任爾化何用對雨鳴間關爾今不肯去吾亦能爾怨長
安挾彈多少年勸爾藏頭莫相遇

送丹山林秀才

燕臺築黃金致士合隗始子留既暮月及歸乃白士豈
伊賦萬言不直一杯水提攜古錦囊尚詫驪珠比得非
坐詩窮顛顛至於此丈夫貴出世卿相偶然爾畫錦豈
必榮韋布何足恥偽遊淮陰縛紿載晁錯死所以賢達

人咄咄從黃綺丹山有源泉清可以洗耳丹山有奇石
堅可以礪齒去去勿咨嗟時止固應止

次韻陳靜佳治中九日見寄

涼飈滌殘暑霽宇藹清氣悠然采黃華誰望白衣至江
州老使君懷人寤不寐清尊遠送將驚呼候門稚一醉
得我生五斗寧復計衰榮本無期出處各有意醒者彼
自醒醉者彼自醉醒醉更相嗤死生同一寄嗟嗟戲馬
臺千古誇勝地誰知柴桑翁醉醒有真味

題寒江聽雨圖

江風渺雲鴻江雨濕煙樹扁舟出波濤悠然於此住掩
蓬卧看書不受蛟龍怖焉知臨流人擾擾需翁渡

聶道錄和王寅甫外郎雪詩因次韻仍依白戰
體

黑螭駕趨玄冥來朔風捲地飛塵埃江南澶漫數十羣
大半化作昆明灰窮陰用壯勢獵獵田父嚇嚇何時哉
龍公行雪亦詫事縹緲落屑隨颼回八荒炫晃盡一色

羽衛隔遠空黃臺閉門窮巷獨僵卧餓死已分如墨胎
譁譁傳誦汝頴句凍口久合迴然開當年白戰禁體物
練絮玉月銀梨梅醉翁仙去不可作欲追勝賞誰傳杯
荒丘坳垤陷猊虎老樹決澌封莓苔風塵瀕洞詩事廢
巨筆把梨無雄材嗟予客路三千里夢寐無復斑衣萊
何當賓日照暘谷蘇息困約無繩苗會趨賓館賀元獻
不敢合開騷樽壘

望夫石

朝望夫暮望夫望夫夫不至江樹煙模糊一朝化為石
誰知望夫苦獨有堅貞心千古復萬古

三五七言詩

守錢虜抱官囚銅山富埒國金印班徹侯宛其死矣人
入室不義而富嘻雲浮

次韻陳彥實遊羅漢寺

林泉近城市而無城市人攜壺散游屨心境同一春何
必事幽討辭家入西秦西秦苦迢遞勞我金閨身不如

遠公社醉倒人不嗔百年電明滅萬事蠖屈伸所以古
達士死葬陶者鄰或者為甕盎尚得日飲醇豈比夷與
齊忍飢以求仁吾生幸未化有酒勿厭頻一杯復一杯
浩歌落梁塵但問客醉醒不問疎與親君看北邙墓松
栢多為新

陳登夫再和用韻奉答共說江南社禪

煌煌光明宮中有西方人當年備何道辛苦十踰春道
成就空滅姬周遽羸秦空冷萬億劫稽首金色身我無

忍辱行獨立招衆嗔常願習淨業趺坐脚不伸向來宿
木下亦頗鏡梵鄰傲睨遠公社況冥栗里醇終然守陋
巷尚及顏生仁豈伊石頭路行行欠頻頻百年三萬日
奄忽如颺塵癡人昧非相念念生疎親何當見佛影國
清甘爨薪

次韻陳登父風雨枕上書懷

霧氣黯層峯雨聲誼萬瓦遽然夢華胥茲寐殆非假寐
久失晨興喔喔鄰雞鳴雞鳴雞自鳴我本忘吾形忘形

豈徇物況乃真坦率人生壽百年能得幾日月日月去
堂堂河流逝活活覺悟不早計龜筮恐難脫

舟行

扁舟夾港下漕渠溢春水水邊兩翁仲閱人亦多矣其
中鬱佳城寂寞向千祀岡巒失故態草木罹新燬緬想
窀穸初鳴笳汎清汜送車數千兩夾道陳簠簋歲月迅
不留嗟嗟遽如此因知人間世變化倏忽耳金箱貯茂
陵籙籙棄石子貴賤雖不侔腐壞畧相似踟躕復踟躕

蒙莊信達士

題郭元德所藏龔聖予瘦馬圖

吾聞神駿之肋十有五雄姿矯矯騰龍虎四蹄踏鐵尾
梢風貌視崑崙薄玄圃何時歷塊誤一蹶棄置荒林翳
榛莽思昔先朝十二閑駟駟駢駢充其間此馬當時最
倜儻流沙萬里來函關祇今淪落歸人世何人保養思
終惠顛龔前身李伯時殷勤染翰憐權奇峻嶒瘦骨見
者歎度越駑駘猶萬萬天上房星久已空此圖此馬俱

難逢主人愛圖如愛馬收拾環文為模寫我知顛龔欲
畫時天地黯黹風煙悲離離禾黍今如此誰識羸駝真
駉駉明年野外春草平瑤池八駿還爭鳴此時更倩顛
龔筆一掃籊雲龍八尺

京口遣懷呈張彥明劉伯宣郎中并諸友一百

韻

壞雲覆紫微疾風捲黃屋生靈半塗炭社稷竟傾覆借
問誰厲階往事具可復穆陵握乾符丁揆覆鼎餽北兵

渡潯黃沔鄂盛誼譴漣海蕩為墟交廣駭幹腹兀然天
柱搖凜甚國脉感明詔起臣潛扶顛秉鈞軸將帥一奮
呼江漢奏清肅維時望公間高譽儼方叔遄歸持相印
景定實初卜百寮迎近郊至尊畧邊幅策勲告廟庭陳
樂備啟祝煌煌福華編傳者筆為禿馬知事夸毗欲拚
天下目得政曾幾何故老盡斥逐哀哀杞天崩度皇繼
歷服定策比周召卜世過邾鄆萬微委巖廊十年卧林
麓金屋貯娉婷羽觴醉醕醑伍符日空虛邠鄆富儲蓄

紛紛輕薄徒睽睨市自鬻荃蕙化為茅龜玉毀於櫝怡
然談笑間禍機已潛伏恭惟幼冲人天步采踏踈一朝
襄樊破殺氣薄川谷折衝亦何為籌邊置機速拊御既
失宜奔潰更相屬含垢護逆儔况望誅馬謖沙武修飛
渡長江儼平陸連橫萬艤艘悠悠自回舳老夏亦遁逃
竟學龜藏六敗證劇膏肓搏手但顰蹙倉黃出視師氛
埃昧前纛總統付虎臣竊倚晉郤縠下洲師前鋒未戰
兵已衄潰卒爭倒戈降將羣袒肉單騎竄維揚走險甚

奔鹿觸熱赴清漳就死何敵鯁寒予客朱方沈憂髮曲
局誰傳田宜中厦仆支一木奈何張蘇劉猜忌不相睦
所過皆欲攘茲事豈頗牧借箸資腐庸授鉞逮廝僕焦
門集戰艦乾坤一擲足水陸迷畏途師喪國逾辱區區
拒毘陵曾不事版築驅民入罟獲駢首遭屠戮至今用
鉞地天陰聞鬼哭蘇秀暨湖杭死生猶轉燭行成漫旁
午公等真碌碌獨松守張濡兒戲鬪蠻觸信使鬼成禽
賈禍幾覆族三宮泣草萊萬姓呼窮餓疑丞詣高亭獻

璽願臣屬黼辰釋冕旒羽衛撤弓韞廣益亟南奔窮荒
尋帝儵然太母身垂老歌黃鵠彼哉寧馨兒乘罇叨
爵祿屈膝同所歸伊誰念王蠋江湖數十郡李趙差可
錄元惡迷是似萬世有餘惡庭芝困廣陵儲亡二年粟
力戰尚可支而乃事蝸縮乙亥仲夏交此向發一鏃死
傷近七千從此輟推轂浮海未桴及委身飼蛇虺姜亦
就菹醢淮城危破竹故國莽丘墟彼黍何穢穢翠華渺
焉之扶桑睇日浴魂斷曲江春新蒲為誰綠騎鯨事已

非葬魚勢轉促南紀訖朱崖一戰絕遺躅旋聞傳文相
繫頸繫燕獄又聞陸元樞抗節死彌篤二公風塵中耿
介受命獨板蕩見忠臣百身竟難贖恭惟五季間永昌
應符錄一舉平澤潞最後收庸蜀文子繼文孫三才歸
促育中更靖康禍流血灑川瀆光堯躬再造艱苦蕪萎
粥淳熙受內禪德盛仁亦熟寧理度丕承膏澤多滲漉
內無寢妯患外絕安史黷戚畹及閹寺屏氣但蹉跎向
非彼權臣玉食擅威福如何磐石固轉移僅一蹴淒涼

數載間王侯乏半菽九廟翳蒿藜丘陵游承穀向來闌
闌地雨露滋首着老我亦何為窮途困羈束愁傷覺衰
曳垢膩忘顚沐蟄跡笑桓魋竊食愧飢驚安得董狐輩
直筆濡簡牘誅姦錄忠蓋上與麟經續海宇今一家貢
賦均四隩化日滿窮閭淳風變頽俗餘生幸未化刀劍
易牛犢聊種邵平瓜且植淵明菊

宿高郵露筋祠

午發淮子口晚泊露筋北舟人指靈祠欲語輒歎息伊

昔避亂初女郎實英特行行侍立嫂日暮雲氣黑嫂兮
宿鄰莊我寧止路側我生雖不辰身秉貴弗懼草深聚
蚊蟲中夜紛鼓翼吮血嚼人膚其毒甚沙蜚女郎不肯
顧筋露身亦踣至今是邦人廟貌嚴血食惜哉歲月深
姓氏不可識維士有百行維女獨四德貞潔一以虧姬
姜徒國色所以古婦人送迎不踰闕嗟嗟露筋事可為
百姓則胡然世俗人所重在傾國

次韻答王國華

甚矣吾衰矣懷哉予歸哉雀蜃不能化何用充海淮王
郎東魯秀玉質離氛埃青絲絡白馬嘯吟浮玉隈餘子
錄錄耳誰敢相朋儕一朝歎柴戶嚴若聞子來又疑蒙
穀士汗漫期九垓嗟我晚聞道可人常永懷亂後苦契
濶襟抱無由開常生越鳥志自覲莊櫟材感子慰離索
駕言且勿催人生駒過隙髮白不再孩雞鳴舜為善大
放軻所哀大字乃其閨末俗供驩哈勗哉聖賢事充此
天降才贈言愧斐率過此誰能裁

贈朐山孫畫師

少年酷愛山移家入山住
竭來塵市中塵土浣巾屨
有時擬山遊大笑出門去
二毛颯垂領乃乏濟勝具
歸來笏拄頤意欲凌風翥
朐山有佳人以我愛山故
九曲武夷溪移將置繡素
禽鳥紛飛翔煙雲莽回互
林深虎豹藏石怪龍蛇驚
對此竟忘疲興與精靈聚
相當槃礴羸下筆有神助
不然方丈間那有許奇趣
安得綃千尺煩君畫瑤圃

雙清堂詩為石民瞻賦

黃塵沒馬腹洪濤噴蠲首是身如轉蓬隨風任飛走歸
來丘壑中高袖拄笏手牀頭一束書壁下一壺酒暴背
對青山杖藜從白叟乃知羲皇上何嘗離北牖民瞻實
可人青歲紆墨綬一朝拂衣去歸種彭澤柳蕭然林下
意今無古或有富貴等浮雲斯須變蒼狗終南政自佳
不作捷徑不仁者贈以言立名要不朽

山陽客中雜言四首

三載行萬里勞生真轉蓬轉蓬去日遠何時歸本叢萬
古一生死趨競徒忽忽況復遭喪亂天地多秋風退無
鹿門隱進乏麟閣功一歲復一歲倏忽成衰翁嵇康殊
寡識陶潛真固窮蕭然北窓下瓶粟從屢空

秋帆泊淮浦小山條春風春風到花柳青青間深紅散
靡慰寂寞道與征夫逢為言喪亂後十室八九空村墟
暗荆杞渚澤哀飛鴻奈何數下令科斂紛錯重語已仰
天歎泣涕霑其胸嗚呼天地德微小無不容貴人豈不

仁視汝如蒿蓬會聞賢刺史撫汝如漢龔征夫甫收泣
悍吏來自東

衰年逢世變人事如蟣蟲憂端常瀕洞頭垢不暇櫛櫛
烏終歲飛况復無寧日方春暫返權浹辰卧蓬蓽天風
倏吹衣輕易復一出旅巢乏安枝如意十不一七十能
幾何日月過箭疾夜深不成眠吟蟲助唧唧

淮城酒味薄酸澁如敗釐一千沽一斗聊欲舒慘懷壺
傾不能醉羈思終轉迷因思古達士山林卜幽棲暴背

坐捫蝨看雲間杖藜理亂耳不聞其樂無端倪紛紛彼
俗子諂笑勞夏畦安知萬世下清風想夷齊

以竹院逢僧為韻集杜工部句贈鶴林老別流

禪師四首

卜居期靜處采藥山北谷鶴下雲汀近逕轉山田熟回
首望松筠登危聚麋鹿興深終不渝日暮倚修竹
松門耿踈影天黑閉春院長風中怒號白日遞隱見惠
遠德過人秀發吾所羨晤語契深心風牀展書卷

道林才不世離別重相逢會面慰我久觀身向酒慵寂
寥人散後結構重來重況乃清氣與娟娟林表峯

浮生如過隙世故莽相仍畧稅林下鞅遠訪雲端僧願
聞第一義將衰棲大乘清談有滋味小子得無承

題王謝燕游圖為楊少監作

犧牛石馬出寶圖百年江左一夷吾西風不受元規汚
八鑾指日還舊都天時人事重嗚呼翠幢金節聊燕娛
堂堂玉立森戟鬚猶似拱揖稱蘭闥公乎公乎真丈夫

右王茂弘

夕陽亭中語未已一合乾坤匝瘡痂蒼生望公公不起
攜妓東山玩山水神州陸沈寧不恥正賴絲竹陶寫耳
淮肥風鶴繇密指固應孩視桓元子吁嗟公乎真傑士

右謝安石

佩韋齋集卷二

欽定四庫全書

佩韋齋集卷三

宋 俞德鄰 撰

古詩

暇日飲酒輒用靖節先生韻積二十首

世路日已迫吾行將安之
醉鄉無畔岸俗似太古時
一屢昔願受或者當在茲
在茲竟卜築何為復狐疑
但得酒杯在無螯還可持

鼓力戰牧野采薇餓西山
出處各有意喋喋俱空言
不

如得美酒一醉終餘年賢愚死則已死去知誰傳

嗜酒有何好酒酣見真情忍斷杯中物而留身後名
名譽外物爾醉乃得此生神完氣不懾墜車終莫驚何必
事輕舉崆峒師廣成

餌香魚深逝弋纂鴻高飛商皓雖寂寞幸免阬焚悲云
何客卿輩逐去還依依一朝歎黃犬骨肉棄所歸貴盛
能有幾轉盼倏已衰衰榮苟如此得酒無相違

山林厭岑寂城市嗟庖誼醉鄉有佳趣其地幽且偏清

商叩前林白雲依遠山漁樵二三子朝暮相往還舉酒
坐爭席亦復多至言

毀以是為非譽以非為是是非自有真不在譽與毀譽
堯復毀桀兩忘固佳耳不見縉布紋眼醉眩成綺

三閭愛秋菊浥露餐落英獨醒鄙衆醉乃覺非人情楚
亡如厦仆一木那支傾離騷固憤切眈眈如蜚鳴餽糟
何必惡一醉觀我生

霜松無悴色春花有餘姿勿以春花妍棄彼霜松枝悠

悠風塵中始見達士奇公田可種秫絃歌聊爾為意倦
即歸去五斗何能羈

涼飈起木末尊酒聊獨開開尊念故友亦復傷我懷翻
然蹈東海甘與時世乖豈比為佞者日夕常栖栖如何
事與跡零落歸塗泥誅奸無董狐志怪空齊諧安知萬
世下善惡無謬迷不如日飲酒勿使腸九回

輕風颭高幟搖搖城西隅杖藜沽一醉雨霽泥滿塗欲
借東家驢泥滑不敢驅歸來取敗榼悵然漑其餘一醉

不易得醉鄉真可居

昔為飢所驅束書涉遠道俯仰四九年少壯忽已老引
杯沃衰年杯盡顏復槁人生如電露安得長美好所以
彼至人達生以為寶形全精不虧高蹈八極表

醉中忘世事猶有酒醒時未醒輒復醉乃得與世辭伯
倫頌酒德佳趣端在茲亡何禮法士聞風獨遲疑濁酒
聊可持淵明不吾欺去去勿復道有酒吾中之

百年三萬日已入桑榆境沈醉復幾時而令終日醒爰

絲飲亡何此事要心領有錐姑處囊無用求脫穎霧豹
亦何辜傷生在文炳

淵明昔閒居偶爾白衣至開尊得美酒忽焉遂復醉醉
語聊自娛辭多失詮次安知後千年乃為世所貴詩雖
有餘音酒亦有真味

淒涼山徑中中有一畝宅庭多鳥雀喧巷絕車馬跡卧
病與世疎俯仰餘半百何以消我憂美酒浮大白獨欠
高陽徒臨風增惋惜

昔我事決科窮年抱六經桑溟忽已變栖栖竟無成歸
來請學稼平賈充過更徽絃挂空壁襪襖留前庭中夜
耿不寐惟有寒螿鳴不賴一尊酒何以紓吾情

園中有佳菊含芽待秋風惜哉無美酒對此時一中誰
如王刺史殷勤遣龐通悵望復悵望雲山挂天弓

五十近衰境所戒當在得永懷弟節輩三者一不惑寸
田日數菑常恐易茅塞猶思普天下無有禁酒國一醉
終餘生不語亦不默

在昔盛壯時為貧亦求仕終然返故廬謀道不謀已豈
不憂飢寒折腰固吾恥左手招夷齊右手揖綺里何必
駟馬車策勲耀前紀時行吾則行時止吾則止行止未
有涯醉鄉差可恃

道喪聖復遠姦偽紛亂真山林有逸士但飲曹參醇寧
著潛夫論有死不羨新豈不羨爵位比肩羞董秦生為
朝中英死為泉下塵奄忽隨物化營營徒爾勤不如寓
之酒日與糟邱親秋渠溜宿雨園蔬含土津西郊澄霽

景柴車行可巾有客乃竟醉不問何許人

課僕詣田所偶用淵明庚戌歲九月中于西田

穫早稻韻

人生念何事方寸纏憂端
端端日湏洞胡不思自安富
貴等電露變滅無留觀
百畝雖已隘朝耕夕復還
秋風穡實實十口無飢寒
何為苦役役而欲事所難
所以沮溺徒不受名利干行藏
隨用舍千載師孔顏
作勞有餘暇柴門晝常闔
斗酒且自勞此外無足歡

連雨獨坐旅樓有作

淫雨彌半月河流漲通衢舊幾十萬家大半憂為魚旅
樓起復卧神氣鬱不舒牀牀苦漏濕豈暇論侏儒緬懷
十載間洛水頻三吳三吳莽一壑平陸紛施眾老羸委
溝壑少壯泣路隅鬻賣及男女庶幾活須臾民窮已到
骨乃復剥其膚自天發明斷元惡隨就誅疇咨用稷契
躋世當黃虞政擬瘡痍瘳誰意疾痛呼陰陽繫調燮此
理信不誣寄言秉釣者治安宜早圖

為郭元德題和靖探梅圖

祥符真人調玉燭四海八荒春意足孤山山小不容春
十月梅花破寒玉風流詩老癖愛梅拂曉騎驢度山曲
呼童忍凍折南枝香滿吟窓伴幽獨到今寫入畫圖中
骨冷神清炯雙目蕩蕩巍巍堯舜天外臣巢許誰羈束
前年我亦訪湖山山色湖光竟塵俗荒墳三尺走狐狸
那復寒泉薦秋菊真祠併入梵王家香月亭前馬牛牯
水邊籬落忽橫枝遙睇猶艱况斤斲雞園釋子皆鷹騰

挾彈揚鞭驟平陸倉皇走避尚遭嗔塞衛何堪共馳逐
三百年間一夢同人與梅花幾榮辱拊圖三歎復何言
天外飛來兩黃鵠

次韻蕭靜安元夕書感

鰲山倚晴昊龍燈照澄川良宵重三五輦路凝非烟一
從桑溟改春花謝芳妍銅駝暗荆杞觸目興悲憐芸芸
百千態悠悠二八年金吾縱弛柝相府誰歌連九衢燈
火市愁雲霧窮天管寧東入海樂毅北去燕伊誰載美

酒醉我東風前晨策散廣隰晚牖周囂廬所嗟世路迫
人事多變遷歸來卧蓬蓽聊復草我玄

小樓詩為湯計議作

英英人中豪歲月閱江浪胡然構小樓不卧百尺上跂
予一登臨規制差可尚座中容六客窓外羅萬象雲烟
互吐吞岡阜相背向誰云眼界窄頗覺形神王乃知人
世間小大俱幻妄壺公家一壺維摩空方丈擬茲十二
樓鐘鼎視杯盎鵬鷃同一適椿菌偶殊狀何必事翬飛

肆目逞雄壯深紅屋角花淺碧盆池漲且當共倚闌欄
漫倒春釀

郭元德席上賦紅牡丹分韻得粉字五言十韻

桑田變滄溟黍宮雜蒿董霜臺得奇葩誰寄天津隱
褰帷窺董園撥根認洛墳亭亭一萼春風露洗塵全朱
纓榮赤瑛絳蠟照紅粉莊嚴富貴姿漏洩造化蘊主人
戲斑衣領客醉芳醞喬梓森南山知謂遊隱弁綴席已
形穢哦詩謾營吻起舞呼嗚嗚君當恕楊惲

贈月蓬戴相士

雙眸炯炯秋蓬月十載聲名動京闕
隆準龍顏曾為開
麀頭鼠目誰能決我聞論相先論心
此語古傳非恍惚
閭閻談笑覓封侯渭水垂綸飄白髮
膾肝盜跖以壽終
趙蓋楊韓膏斧鉞相形相心兩莫憑
使我向空書咄咄
年來四海一鼓聲蕭艾騰芳蘭
蔭歆宣室寧無賈誼思
侯門半却彌衡謁君歸若見袁季從
造化韞藏須剗剗
我今自分老山林渴飲壑冰飢食蕨
但煩一語抱璞人

莫學卞和遭再刖

跋韓仲文所藏史共山草書

公孫大娘舞劒器張顛早悟回翔意學書學劒雖不侔
用志凝神固無二壘也得筋靖得肉聖趣誰能一蹴至
我生憂患緣知書教兒僅使通名氏春蚓秋蛇自結蟠
莫向兵曹甘委贄烟薰屋漏玉軸妝何許天風劃飛墜
讀一遺二口若鉗大草間臨真自愧雖然非古室壯雄
要是逢場聊作戲魯公懷素俱已仙世指周奴笑羊婢

詎誇棄筆如邱山
天闕剡藤煩嘆喟
捲還鯨錦心和平
塵席藜羹固吾事

古意八首

丹穴九苞鳳
荊州一角麟
聖明久不作
舉世誰見珍
紛紛賀厦雀
迺復為嘉賓
蓄爾輩麟鳳
何由馴

眞玉名以石
貞士誣以詐
古今率皆然
何事獨悲咤
嗟爾卞和智
乃在葵下曷
不韞匱藏
待此連城賈

麾戈指白日
駕鴻凌紫煙
終然意無補
空羨龜鶴年
古

來有介士采薇首陽巔雖非鍊五石名與日月懸

孔明感三顧幡然扶漢家一朝赤星隕意使蜀婦髻雄

圖雖未竟萬世常咨嗟老瞞志意滿一笑蠻觸蝸

宋人得燕石寶為希世珍周客掩口笑乃侵遭怒嗔聞

茸竟尊顯賢聖多隱淪人物顧所遇何事徒悲辛

突決華棟焚燕雀自娛樂風橫喬木巔藤蘿尚棲託鳳

鳥固識時朝菌不知朔眊眊何人斯曾次爾齷齪

神龍失靈淵翳形在勺水勺水不可容又復制螻蟻一

朝駕雷霆膚寸雲萬里始知勺水龍沛雨有如此

鼓鐘樂爰居藻枕居大蔡雲壑駘背人一生饜粗糲長
鑿耕黃獨短蓑釣清瀨富貴等浮雲達生誰芥帶

贈丹陽邢尉

孟郊尉溧陽曹務緣詩廢徘徊金瀨傍府以假尉代一
生坐詩窮酸寒見餘態邢君世業儒才猷乃十倍吏隱
黃綬間詩亦性所愛羸驂京峴游古錦奚奴佩扣門索
我詩丁寧至於再我老學殖荒久嗟詩方退腸肚綴煎

燭落筆與時背况復風雅衰淫哇亂廊邶濟南名士多
此語出前輩我昔交數公夢寐想風裁西窓剪殘燭顧
影寸心痂北渚凌清河平疇接海岱子行賦歸與我實
增感慨為吾謝故人德音幸時逮

猫燕行

燕飛畫樑猫越屋飛走性殊豈相毒飢猫攫燕欲何為
燕比他禽况無肉可憐乳燕未出巢探頭思乳聲朝嘲
母去不歸子飢餓柔而害物嘻汝猫汝猫不仁燕何罪

我思里人為心侮父逃官逋母繫官悍吏催錢夜打門
一朝母作溝中瘠三女一子家四壁官司株連尚不休
諸孤駢首為纍囚傳聞詔書復逃戶日夜號號望其父
父存父沒竟不知此冤此苦蘇何時皇天覆幬均四海
人靈萬物為民宰民之無祿天薦瘥况此微物知奈何
呼童屑米哺乳燕一夜哀傷淚如綫

沽酒行

去年斗酒貫三百路逢麴車常嘖嘖朝來啜麤暮食鹽

汲井煎茶待佳客爾時石牀十二千仍更五千糴石麥
米麴柴薪價倍增酒價雖增欲誰責昨秋一稔天所憐
甌窰刈獲過良田大麥小麥今又熟麟經髻髻書有年
年登米麥塞市廛官酒定價那增錢一朝酒家悉閉戶
斗酒更欲沽二千道逢醉者驚相顧老夫倉忙問其故
答云近日添課程去城十里皆官庫豈惟酒價今日增
明日闕千賣石醋乞漿得酒良已難或者乞醯鄰亦怒
君不見昔時三百青銅沽一斗方外酒徒猶忍口

陪趙明叔侍御遊茅山次韻二首

夷言衛侯說土風鍾儀操百年等逆旅南北俱勞勞何
如事幽討杖藜舒鬱陶上山拾瑤草下山折蔓茅尋我
煙霞朋締此金石交胡然自局趣顧影悲繫匏歸去來
山中山中有松醪

繡衣漢使者斧鉞常再操六條讐吏膽一飯思民勞翩
然拂衣去訪此華陽陶蒼烟鬱松檜白雲露管茅重岡
暖靄合平疇遠風交我愛龍池水願君酌霜匏商巖沛

霖雨越

闕

流醇醪

次韻麟洲龍仁夫遊三茅山

朝行良常南暮息良常北山水互縈紆松篁相依綠尚
擬效古人夜遊迭秉燭嗟我獨何為紅塵走東軸有如
嗜飲者性命寄芳醪時於茅檐下支頤望涼玉或夢泊
西巖汲湘然楚竹終然纏世故欲往竟未卜安得乘天
風翩翩出囂俗士生一世間衣食貴裁足誰為翔蒿鷄
誰為冲霄鵠誓將與子游保此受命獨

次韻龍仁夫種菊二首

憂來感人心把菊行東籬悠然南山句憶此刪後詩詩
亡絕遺響菊在餘幽姿麟洲有達士與菊心相期左揖
隆中老右揖綿上推汎此忘憂物聊以任吾私真樂未
易識勝事空自知金風撼撼鳴金英發發垂我欲從子
醉不羨高陽池焉知義熙後此會非今時

種菊東籬下菊密荒疎籬啜英浥墜露想像淵明詩猗
嗟子龍子磊落山林姿飲翹二三客異郡同襟期而我

何為者俛首供丁推寧復飲我酒歡飲均嫌私乃知意
氣合豈計新相知塞予久衰曳素髮頽已垂何能借翮
九一朝奮天池但當對菊飲與君賡醉時

題白廷玉所藏白馬圖

八尺龍駒蹄削玉霜毛雪鬣超凡俗驕嘶顧影食場苗
朝暮逍遙在空谷詔書歛下徵騏驎香街紫陌驚行人
金環壓轡出天廐不數駟駟驪駒三品豆芻飽終日
終日不鳴鳴輒黜何如不繫亦不維騰霧籟雲金玉質

次韻陳彥寔醉中雜言

悠悠廣陌塵冉冉征途客征途渺無際人壽不滿百
年復幾何鬢髮早已白髮白無由玄擾擾終奚益富貴
勢熏天忽作冷灰寂突兀樹豐碑猶有金石厄所以賢
達人萬古等朝夕俯仰宇宙間但恨酒杯窄持杯輒酣
歌那暇寸陰惜

水墨蘭

三閭一朝蛻九畹千載荒茫茫天壤內春在桃李場幽

蘭有貞質轉泛欺衆芳寧受緇塵染尚餘風露香乃知
德勝色不采庸何傷

病中謝親友四首

昔年居窮巷門多長者轍一病逾十旬意可雀羅設往
來問死生多謝跡不絕販夫逢僕隸慰問猶切切嗟我
何人斯才薄德又劣何以報諸公寸心常激烈


生平性嗜客病不廢應酬終然瘦骨立欲語氣不收客
多語嘈雜兩耳鳴啾啾登牀就偃息客語或未休客意

豈不佳而我自作憂奈何坐客去牀下多鬪牛

病骨瘦峻嶒僵卧難帖席一夕三四遷起坐長太息人
患緣有身無身更何疾從今事蜣夢覺非所擇須臾
忽遽然又到華胥國何處發晨鐘耿耿霜月白

一病連三月肥甘寧得知醫復戒食鹽鹽食非所宜素
餐幸無刺餐素將何疑因思喪亂際黎民多阻飢朝餐
乃木葉暮食乃樹皮我今食無鹽早晚白玉炊稽首謝
蒼天揆分猶過之

右四首作于易簣之際蓋至元癸巳三月十有三
日晡時也黎明遂厭人世今二十年矣覽之愴然
不勝蓼莪之感不忍廢去孤子庸泣血謹書



佩韋齋集卷三

欽定四庫全書

集部

佩韋齋集卷

四至七

詳校官庶吉士臣李如筠

主事臣呂雲棟覆勘

覆校官中書臣田尹衡

校對官中書臣王鍾泰

謄錄舉人臣劉禮

欽定四庫全書

佩韋齋集卷四

宋 俞德鄰 撰

律詩

金山寺

僧舍高低見潮音
曉夜聞仙凡一水
隔淮浙半江分
鵲冷山腰月龍噓
海角雲瞿曇端不
動人世幾紛紛

鵲山寺東

水中

曲肱

門掩青苔硯掩塵曲肱隱几自觀身已憐白髮無公道
獨喜清風似故人躍馬卧龍俱寂寞盟鷗狎鷺莫逡巡
東洄澗水通畦稻植杖看芸意更真

舟過桐廬作

三年常作客幾度關前川山合疑無路谿回別有天虹
分遙電雨風晨近墟烟歸路知多少啼鵲雲樹邊

陳索郎灘

去國踰千里辭家過十程飯炊雲子白酒醉索郎清觥

候秋江駛帆開暮靄輕聖明方在御何地不升平

行壽昌道中

山邑少桑麻清谿卷素沙岸崩橋半斷村僻路三叉廢

渡留芳草深溝卧古槎老翁苔石坐猶問自京華

芳草
渡在

縣西

庚午讀邸報

西北干戈猝未闌蒼生誰與破愁顏甫聞高議雲臺上
又見投身瘴海間天地千年氛霧暗江湖萬里鬢毛斑

欲尋醕酌判豪飲郊外旗亭半掩關

聞築鹿門

干戈又繞鹿門西清夢猶應憶鼓輦可歎遭逢誇二鳥
却令經濟屬三犀腐儒閣事惟蒿目聖哲知幾莫噬臍
塊莽氛埃何日淨春江飛雨漲片泥

金陵板橋別弟

江郊憶舊廬送爾復躊躇別慣不盈夢情多懶寄書江
湖歸棹遠風雨夜深疎林酒慈顏悅離愁賴掃除

古寺

古寺接荒城浮圖倚太清松環嵐翠蔚泉激澗虹明僧
定花開落人行鳥送迎西枝如可卜吾欲證無生

秋月客中

楓落秋江塞鴈賓客懷依舊憶鱸蓴百年三萬六千日
半世東西南北人滿目空村爭虎豹何時高閣繪麒麟
由來管葛皆天意霄漢泥塗任此身

書齋

寂寂書齋萬慮空恍然赤甲古城東
烏呼幽夢日方午花惱醉吟春正中
軍將送茶驚諫議門生載酒過揚雄
飛詩識字皆為累閒殺江頭獨釣翁

贈靜齋趙使君淮

兩翁今古妙經綸續續家聲勵後昆
黑髮珥貂依日月金雞絡馬半乾坤
千年帶礪河山在一脉詩書禮樂存
我本信菴門下士祇今彈鋏向誰門

常山道中

縣古浮梁外沙平草樹秋遠山明去路驟雨咽鳴鳩岸
狹水痕漲雲歸暝色愁誰憐蘇季子塵土浣貂裘

鷺鷥林

客久勸欽崙尋幽洗客襟青煙楊柳岸白酒鷺鷥林當
戶孤峯秀環溪萬玉陰留連不忍別月落砌蛩吟

白兔山菴

清江田舍已悠悠謾結茅茨傍小邱月冷雪窻迷扑握
山連煙草叫輶輶了知世事同槐蟻何有機心到海鷗

却笑東坡老居士一生隨處賈胡留

次韻朱子厚九月十一日見寄三首

三載干戈隔勝遊江山依舊鬱相繆
蒼吟砌壁莓苔古鴈落河沙草木秋
畫角飄江猶北固白雲飛岫認東甌
凭高望遠心如醉風岸烏巾雪滿頭

淒涼風雨暗山微夢裏歸與迄未歸
禮樂不存三代遠江山如故六朝非
讀書老去翻成癖煮字從來不救飢
短褐長饒真活計載芟何日詠春祈

冷雨淒風萬木飛年來世事不勝悲青山白水新安道
雲夢綠林夔府詩耆舊飄零今有幾乾坤翻覆政緣誰
鬢絲一夜三千丈甚矣吾衰從此衰

登六和塔

僧舍倚松北浮圖界竹西江通嚴瀨遠雲壓越山低槐
里三原隔襄城七聖迷臨風悲往事月落凍烏啼

客中別友

語別莫怱怱情懷彼此同山川秋色裏風雨客愁中故

國俱離黍勞生共轉蓬鼓輦聲一槩何處是遼東

次韻簡黃監簿淳宗三首

流年暗數手中蒼短髮鬢鬢每自悲金甲牙旗非昨夢
黃蘗白米慰朝飢山河萬里歸新主湖海三年隔故知
惟有浣花堂上燕春來依舊不相遺

桂樹團團滿故山一尊風月羨君閒交遊副墨雒誦裏
詩句生民清廟間我輩無才難用世故人厚祿竟何顏
西樓十二欄杆月清夢應須共往還

化鶴遼東老令威舊家華表未能歸
三千里客貢禹恨
四十九年蘧瑗非事與心違多感慨
人隨世易重歔歔
黃華老盡秋容淡何日西山薄采薇

次韻碧窓聶道錄

曾蟠今古袖披披老作黃冠恐未宜
遼鶴不歸人已換
濠魚自樂子烏知瓠留西域青精飯
杖削東川紫玉皮
我似淵明君陸靜相看一笑儼前時

雪

卧聽窓外撲春蟲
透曉綫綫攪太空
萬選千山孤鳥絕
八荒四海一雲同
寒聲靜起灝浮外
生意深藏肅殺中
乘興徑思游剡曲
狼烽明滅又天東

哭徐移愚教授

北固登山屐西園載酒船
論心今一世握手後千年
湖海風波惡乾坤雨露偏
無因見宿草流淚漲黃泉

春日苦雨

礮車雲起走豐隆
河伯重驅十二童
山竅號風雷破柱

海門翻浪雨飛空一春狂犬吠日出三月老農愁歲終
斗米換衾寧計直却疑家近漏天東

日日盲風怪雨間百花顛顛委蓁管鮫人停杼疑翻海
河伯移宮欲近山裹飯有誰來問病挑燈老我獨愁顏
九疇何日重浮洛川鎖支祁鼎鑄姦

金壇邑中作

菰蒲風起雨濛濛萬室參差浸碧瀾一鶴歸來城郭改
二龍飛去洛波寒松迷舊逕猶存寺蛙聒新畬總為官

却喜故家文獻在半從鞍馬半儒冠

次韻陳登父桃花

棠棣羣芳散綺葩繁枝密蔚交加武陵溪畔秦人洞
濯錦江頭杜老家風攪亂紅春過雨露滋微艷曉籠霞
長安重到應惆悵寂寞玄都燕麥斜

贈蔣艾學三首

車聲馬跡任營營蘆渚襄羊境最清萬卷圖書雙鬢老
五湖煙浪一舟輕忘機已信馴鷗狎洗耳那愁聞蟻驚

更喜甌窰秧水足倚風扶杖看春耕

龐眉鶴髮一詩翁肯伴漁夫理釣筒
蘆溆柳塘新雨後竹籬茅舍晚烟中
鄉書再捧衣猶白村酒頻沾頰借紅
萬事無言歸一笑仲車元不是真聾

憶昔攜書袞繡堂扁舟曾此濯滄浪
蒼龍飛去未成雨老鶴重來知幾霜
人物半凋嗟世事典型猶在得詩章
何當去卜西枝隱同汎漁舟夜擊榔

記夢

雲封槐里黯平蕪無復魚燈照玉鳬樂奏馬驚猶奮鬣
鼎成龍去莫攀胡老歸燕國常悲隴夢斷滎河偶得圖
淳景布衣今白髮西風搔首獨踟躕

午睡

赤米黃虀雪白鹽圖書滿架絕韜鈴百年無補孔融愧
三葉不遭顏賜潛去住任如巢幕燕開闕誰學上竿鮎
幽居暇日知何事一半清談半黑甜

泛湖

閒居散人事一舸泛長湖夜雨半篙荇春風十幅蒲功名槐國夢身世輞川圖艤岸逢鄰叟清談日又晡

金壇郊外

散廩過平堤前村雨一犁草荒翁仲立樹密鷓鴣啼野色連天遠溪光隔岸迷干戈猶未息何處足幽棲

八月十五夜

捲盡頑雲玉漏中月華如水浸層空一輪圓缺常時見萬里陰晴此夜同突兀樓臺猶白日高低禾黍自秋風

轉蓬地遠歸心折尚想霓裳舞舊宮

觀潮

彊弩驅潮水為東昔年此地識英雄素車白馬空明上
青蓋紅旗滅沒中十萬軍聲西寨月三千鯢浪北溟風
乘槎有約終須去見說銀潢與海通

古琴一張徽絃不具持贈劉漢卿經歷因賦

枯桐三尺蹙龍紋爨下新焦偶未焚七竅已開猶渾沌
一絲不掛絕聲聞至音澹薄何如默大道希夷豈在文

持贈要知絃外趣美哉斯意憶河汾

閒居即事

塵外江村野老家窮年兀兀笑盤蝸素琴橫膝一尊酒
紗帽籠頭七椀茶編竹作橋看蟻渡種花成塢聽蜂衙
閒中自有經綸事寄語時人莫笑譁

次韻陳登父小樓述懷

慷慨悲歌續五噫等閒觀物倚筇枝
士龍瓦屋西頭住吏部霜螯左手持
湖海悠悠空落拓風埃冉冉竟衰遲

登樓作賦羞王粲寂寞歸與理釣絲

通津田舍

汀葭江蒹兩依依鷗鷺相親寂不飛僧入翠微雲伴去
牛耕白水犢隨歸古今賢聖多蕭索王霸干戈有是非
老病憂時心力弱可能此地得漁磯

游鶴林寺

步屨叩禪扉春山碧四圍天高黃鶴遠仙去杜鵑非拂
石雲生袖捫松霧濕衣幾生通佛性一昔遂忘歸

客懷

客懷元自惡歸思浩無垠
愁織窻前草情淒岸曲蘋
十年紛戰伐四海暗風塵
故舊無消息西風淚滿巾

夜坐

蒲團疊膝誦南華
蓮勺燈明細吐花
客有可人期不至
鄰無美酒夜難賒
濕星釀雨愁飛鴈
枯木號風怨宿鴉
目笑不眠還不倦
城頭嗚咽又鳴笳

次韻陳登父送春有感

同谷歌殘返舊蹊園林寂寞半蒿藜憂時頓覺愁如海
對客何能醉似泥春去春來人漸老城南城北望猶迷
鼓輦一檠旌旗滿何以車書混棘韞

臂疾示兒

臂疾浸淫骨半枯蒲團毳被學跏趺宋清藥券償未了
司業酒錢來便無湖海飄零銷壯志風霜荏苒上吟鬚
征遼挾矢知無分老向新豐倩汝扶

閒居遣興

數間破屋玉川家
紗帽籠頭自煮茶
萬卷圖書三尺劍
半窓風雨一池鼃
詩情寂寞腹無稿
老態浸尋眼有花
鼎鼎百年成底事
醉鄉端的是生涯

次陳登父中秋遊古竹院韻

閒過竹院聽華嚴
結願清香發舊奩
灝氣平空浮桂魄
涼風三徑拂松顛
酒闌野興歸長笛
吟罷秋聲落短簷
終日昏昏真醉夢
幾時游屐更苔黏

秋殘

樂天老矣放樊蠻鷗羨忘機鶴羨閒緩步當車休下澤
澆愁得酒即中山些騷豈敢奴僕命伊呂元非伯仲間
兀兀支頤秋又晚亂雲斜日澹煙鬟

養拙

養拙柴扉百慮疎天光雲影亂秋渠一身搖動未妨酒
兩眼眵昏猶嗜書陶令但知歸有菊馮諼忍歎食無魚
閒中滋味君休厭門外紛紛幾覆車

無題二首

杯酒河橋餞去篷誰知此別竟西東
隙車冉冉歲華改樓燕飛飛春事空
珮冷江皋淒落月笳吹朔漠動悲風
芳魂寂寞揚州路后土瓊姬恨畧同

花柳亭臺半劫灰故人淪落共徘徊
湖光山色西施舸水影月香和靖梅
鴻蹋雪泥猶記憶鶴歸華表總成哀
一尊濁酒和愁酌淚灑東風醉玉顏

正月十日理髮三首

多病多愁鬢已星更憐詩骨瘦峻嶒
百錢挑杖但求醉

五斗折腰良不能徒步幸無官長罵浩歌聊襲散人稱
世情閱盡忘今古一合乾坤幾廢興

寂歷勞生歎轉蓬百年強半走西東從師謾學屠龍技
報國元無汗馬功二頃有秋生計足三杯近却客愁空
兒童相見徒相笑兩鬢絲絲一老翁

晨梳白髮照青銅歎息光陰過眼空一市少年羞袴下
三朝新婦閉車中酒逢知己猶堪醉文不驚人莫送窮
天下士憂天下事肯將飛伏較雌雄

送王舍人之燕山

柳媚花明二月天，金羈絡馬路三千。
鱣鯨得意縱溟壑，鼃蚓無知鬧坎泉。
今古不磨惟正理，是非何必待他年。
離騷已信多忠憤，珍重毋忘鵠羽篇。

游宣慰載酒泛溪即席有感作

五載綈袍憶故人，春風吹鶴過湖濱。
樓臺冷浸兩溪水，天地清無一點塵。
棹底空觥今杜牧，井中投轄舊陳遵。
萬方一槩吾安往，尚許誅茅竟卜鄰。

陪游宣慰游雪歸賦

喻望平山碧四圍鶻鵠啼處見柴扉白蘋初起雨乍歇
綠葉垂陰春又歸野外樵夫紛避道溪邊鷗鳥獨忘機
深杯百罰人扶醉一枕西軒月滿衣

次韻簡林紹先諸友三首

宦路風波渺望洋幾人赤馬且蒙霜便便懶是誇經笥
嗑嗑從渠笑酒囊花柳春風朝步履菰蒲春水夜鳴榔
人間別有桃源路肯為浮榮替戾岡

納納乾坤萬彙滋同聲同氣自相宜江山今古幾興廢
湖海交朋屢別離落月照渠疑太白西風揮扇障元規
老來萬事如泥濁一笑論文祇自知

載酒湖山憶盛年可憐風物竟淒然杜陵野老哭春日
空谷佳人倚暮天禾黍離離迷故國旌旗杳杳徧南偏
虎皮何日包弓矢老為義皇受一塵

客窓夜雨

世路馳驅力不任老來世路轉嶮嶽小窓一夜芭蕉雨

倦客十年桑梓心黃紙紅旗違壯志青尊綠醕笑孤斟
故山何日真歸隱澗水松風直萬金

息寮王教授輓詞二首

黃鶴山前脫骨仙飽餐玉蕊漱珠泉酒酣拓戟老工部
官冷無氈貧鄭虔四海風埃方塊莽一生岐路幾迢迢
公今得向揚州死况復懸車過八年

昔年牀下拜龐公數樹梅花一畝宮寂寞吟情頭盡鶴
摧頽病骨氣如虹祇今有子能傳業誰念無錢解送終

千古幽局鄰牧情遙憐環珮月明中

毘陵使君孫公奚會字楚望晚號牧

情翁

梅雨

宇宙冥冥四月時小齋吟眺苦低垂江城地僻莓苔老
山徑雲深草木滋密霧蒙蒙籠翠幄輕煙冉冉散青絲
楚宮幽珮勞魂夢西望巫陽祇自悲

老病

老病幽棲覺懶吟眼觀時態獨關心古今不泯春秋筆

天地難欺暮夜金幸有別腸堪貯酒未愁短髮不勝簪
柴門一閉從春盡桃李飛花葉又陰

遣懷

擾擾乾坤幾戰塵南山北闕意逡巡病思隱語呼庚癸
老怯流年避己辰三顧恐無開濟術百年須了去來因
鹿門有約吾將隱倚杖看雲老此身

佩韋齋集卷四